

※書目文獻※

余一鼇生平及作品資料輯校（之二）

林玫儀*

（二）憐香詞

「憐香詞」共三十首，中科院本及無錫本順序並同，唯無錫本每首綴題，中科院本則否。中科院本首頁有眉批，云：

同治壬申之春，寄鷗子作客椒江，有所感觸，輒賦七律三十首以寄意，詩云：「我邁之子，我心寫兮。」又曰：「心之憂兮，我歌且謠。」因號之曰「憐香詞」，聊¹誌一時邂逅之感云爾。

由筆跡觀之，此乃余氏自記。詩作部分則為他人所書，字形整飭，其文句頗有改動，大部分非屬余氏手跡，應是同儕評賞時提供之建議；然亦有出自余氏者。其中又分為二類：一是在原文兩側注明修訂文字，但原文並未圈去，疑是余氏不予採納或尚待斟酌；二是原文或修訂文字已予圈去，當為余氏已作定奪。以下校語，凡屬第一類者，只注明其側有何種文字；屬第二類者，則逕云改作某。

綜觀此集，大部分為他人所抄，部分為余氏手跡，且有余氏反覆斟酌圈改之處，其前又鈐有余氏三印，足證此乃其詩集之謄清稿本，而又續作訂正者，爰取以為底本，並將無錫本之異文加注說明。為節省篇幅，以標出字句異文為主，至於常見異體字，則不煩一一注明。

B01 〈其一〉²

天涯有客感華年³，又見江頭柳似煙。蝴蝶夢中芳草路，鷓鴣聲裡夕陽天。

* 林玫儀，本所研究員。

¹ 原作「蓋」，後改為「聊」。

² 原無「其一」二字，依其體例補。無錫本題為「天涯」。

³ 無錫本作「年華」。

花如⁴ 桃李春難買，珠混泥沙我最憐。第一瓊花⁵ 怨零落，含情重⁶ 賦洛神篇。

B02 〈其二〉⁷

多情為愛楚宮腰，霧鬢雲鬢壓翠翹。顧影自憐眉鎖黛，問花無語臉生潮。
蘭釭留燼原思⁸ 夢，柳浪迷煙誤認⁹ 橋。況那春歸三月暮，總宜中酒也魂銷。

B03 〈其三〉¹⁰

者番花信費疑猜，草色粘天望海臺。結網線穿春筍瘦，畫眉啼徹野棠開。
紅香宛轉櫻桃語，紫玉纏綿荳蔻胎。九十韶光渾電掣，不多時節已黃梅。

B04 〈其四〉¹¹

蓮香有女好年華，十八盈盈正採茶。掃徑¹² 葬花聞夜笛，傍簷垂柳綰朝霞。
窗臨芳樹聽鳴鳥，門近清溪為浣麻¹³。紫陌黃塵何處是，綠陰如水杳香車。

B05 〈其五〉¹⁴

三春花事太迷藏，到此還應是醉鄉。邀月杯陳青玉案，倚闌人喚謝秋娘。
當年稱雨栽紅豆，盼¹⁵ 曉流鶯囀綠楊。帶水盈盈隔銀漢，釧聲鑲影兩茫茫。

B06 〈其六〉¹⁶

朝朝鳥語話綿蠻，曲曲椒江面面山。夢鹿因緣知¹⁷ 約略，春蠶心緒¹⁸ 總迴環。
含香慧解拈花笑，吐綬靈通駐鏡顏。小謫¹⁹ 塵寰原頃刻，可憐憔悴翠螺鬟。

⁴ 無錫本作「開」。

⁵ 中科院本「第一瓊花」之右側有「蜨粉牆東」四字。

⁶ 無錫本作「含情忍賦」，中科院本作「含情重賦」，「情」字右側又有「顰」字，蓋友朋建議改作「含顰重賦」。

⁷ 無錫本題為「問花」。

⁸ 中科院本「原思」右側有「纏綿」二字。

⁹ 中科院本「誤認」右側有「宛轉」二字。

¹⁰ 無錫本題為「結網」。

¹¹ 無錫本題為「蓮香」。

¹² 中科院本「掃徑」右側有「小院」二字。

¹³ 中科院本「麻」字右側有「紗」字。

¹⁴ 無錫本題為「紅豆」。

¹⁵ 中科院本作「盼」。按：「盼」之本義為「看」，兼為「盼」之異體。茲從無錫本。

¹⁶ 無錫本題為「螺鬟」。

¹⁷ 中科院本「知」字右側有「疑」字。

¹⁸ 無錫本作「事」。

¹⁹ 無錫本「謫」作「謫」，蓋形近而誤。

B07 〈其七〉²⁰

萍飄海角悵離羣，況復烏啼夜夜聞。帶雨梨花人獨立，撲簾柳絮燕斜分。
留春計左驚殘夢，咒筍情癡倚夕曛。欲寄同心雙結子，藍橋無路致殷勤。

B08 〈其八〉²¹

柳絲如織野塘邊，何處樓臺有管絃。花落溷間維我惜，玉沈水底更誰憐。
靈犀暗度三生約，天馬空馳少壯年。一寸柔腸千縷線，搗衣砧²² 破隔溪煙。

B09 〈其九〉²³

不如意事竟何多²⁴，結習難忘子夜歌²⁵。雲水迢迢孤館夢，情²⁶ 懷脈脈小庭莎。
弓鞋分印黏珠翠，寶鈿留痕怨薦蘿。睡起斜陽含霧淡，始知塵世有天河。

B10 〈其十〉²⁷

連朝梅雨漲橫塘，檢點琴書赴醉鄉。蕉葉有心依²⁸ 客館，竹根²⁹ 無意逗³⁰ 鄰牆。
傳來芳訊霏霏³¹ 語，描就³² 嬌容淡³³ 淡妝。如此風懷何等夢，枕函空繡好鴛鴦。

B11 〈其十一〉³⁴

碧苔深院證前因，冉冉³⁵ 凌波瑟瑟塵。古鼎麝煙添鳳篆，畫樑燕語喜鷗馴。

²⁰ 無錫本題為「藍橋」。

²¹ 無錫本題為「搗衣砧」。

²² 無錫本「搗」作「搗」。中科院本「搗衣砧」右側有「寒砧搗」三字，「搗」字左側又有「夜」字。

²³ 無錫本題為「天河」。

²⁴ 中科院本「何多」右側有「蹉跎」二字。

²⁵ 中科院本「結習難忘子夜歌」右側有「第一相思可奈何」七字。

²⁶ 中科院本「情」字右側有「衷」字。

²⁷ 無錫本題為「橫塘」。

²⁸ 中科院本「依」字右側有「遮」字。

²⁹ 中科院本「根」字右側有「枝」字。

³⁰ 中科院本「逗」字右側有「護」字。

³¹ 中科院本「霏霏」右側有「依稀」二字。

³² 中科院本「就」字右側有「出」字。

³³ 中科院本「淡」字右側有「淺」字。

³⁴ 無錫本題為「深院」。

³⁵ 「冉冉」二字，中科院本作「染染」，茲從無錫本。

忘機世事春空老，暗數流光怨是³⁶新。未嫁相逢堪解恨，最難消遣為真真。

B12 〈其十二〉³⁷

江天五月尚猶³⁸寒，料峭晨風翠袖單。為怕凭欄維飲酒³⁹，每思同夢勉加餐。
願教簾幙深深護，盼到⁴⁰琵琶細細彈。最惜橫波秋水影，芙蓉鏡裡問誰看。

B13 〈其十三〉⁴¹

朱酣翠鎖漫相誇，遠水遙峰望眼賒。但有離懷憑尺鯉，更無疑竇誤杯蛇。
煙棲碧海迷拳鷺，草長紅心感鬢鴉。誰信蓬山真萬疊，一條澄練影橫斜。

B14 〈其十四〉⁴²

忽忽歲月此淹留，鴻雪因緣水面漚。有限光陰⁴³空棧歷，無端秋色上眉頭。
樽前樂事歌金縷，眼底⁴⁴柔情囀玉喉。莫向江邊問消息，懊儂已是夜光投。

B15 〈其十五〉⁴⁵

梧桐枝下薜蘿陰，春已闌珊恨不禁。巢燕生涯勞悵望，盟鷗志願久⁴⁶浮沈。
枕邊聽雨三更柝，帶上離魂一寸鍼。鐵馬空簷彈指覺，虛堂人靜影深深。

B16 〈其十六〉⁴⁷

斜陽紅上⁴⁸白蘋洲，如此江山任去留。為我海棠花晚謝，泥⁴⁹誰芍藥雨中收。
歸來春色無邊送，勾起芳心一樣⁵⁰愁。團扇秋風今尚早，倚闌人在最高樓。

³⁶ 中科院本「是」字右側有「最」字。

³⁷ 無錫本題為「橫波」。

³⁸ 中科院本「猶」字右側有「餘」字。無錫本作「尚微寒」。

³⁹ 「維飲酒」，中科院本「維」字右側有「常」字。無錫本作「時飲酒」。

⁴⁰ 「盼」，中科院本作「盼」，即「盼」之異體，已見上說。中科院本「盼到」右側有「欲把」二字。

⁴¹ 無錫本題為「蓬山」。

⁴² 無錫本題為「消息」。

⁴³ 「光陰」，無錫本作「春光」。

⁴⁴ 中科院本「眼底」右側有「曲裏」二字。

⁴⁵ 無錫本題為「一寸鍼」。

⁴⁶ 中科院本「久」字右側有「誤」字。

⁴⁷ 無錫本題為「倚闌」。

⁴⁸ 無錫本及中科院本原均作「到」，中科院本改作「上」。

⁴⁹ 無錫本及中科院本原均作「泥」，中科院本改為「尼」。

⁵⁰ 中科院本「樣」字右側有「點」字。

B17 〈其十七〉⁵¹

青山無限費登臨，回首前遊何處尋。雙燕飛飛人倚玉，連環解解指留金。
吹笙不見珊瑚樹，寄扇偏遺玳瑁簪。長相⁵² 遠思唵興好，香燈涼月夜寒侵。

B18 〈其十八〉⁵³

也曾解到此中無，細草平沙喚⁵⁴ 鷓鴣。料去闌干多⁵⁵ 屈曲，看來心事總⁵⁶ 模糊。
香簾夜靜千絲竹，斗帳⁵⁷ 春含一顆珠。三五疎星半規⁵⁸ 月，落紅香夢⁵⁹ 怨靡蕪。

B19 〈其十九〉⁶⁰

遙堤惆悵柳三眠，眼底桃花水底天。連理枝頭春寂寞，相思絃上恨纏綿。
膩脂帶雨珠啼露，翡翠臨波影誤鈿。燕燕鶯鶯知⁶¹ 是夢，含情為語解流連。

B20 〈其二十〉⁶²

仙源路迥漫勞勞，寄語難憑鳳尾槽。四壁烟霞江漢月，中宵風雨廣陵濤。
莫愁灞水橋邊柳，休問天台洞口桃。踏破芒鞋春有主，萬端繭緒認牛毛。

B21 〈其二十一〉⁶³

桃花開後誤王孫，煙草低迷畫掩門。拾翠閒情飛鳳子，啼紅深怨逐香魂。
風吹羅帶同心結，露冷珠釭半面痕。西逝織烏東顧兔，送春容易又⁶⁴ 黃昏。

B22 〈其二十二〉⁶⁵

⁵¹ 無錫本題為「連環」。

⁵² 無錫本作「想」。

⁵³ 無錫本題為「麗紅」。

⁵⁴ 中科院本「喚」字右側有「聽」字。

⁵⁵ 中科院本「多」字右側有「終」字。

⁵⁶ 中科院本「總」字右側有「尚」字。

⁵⁷ 中科院本誤作「悵」，茲從無錫本。

⁵⁸ 中科院本「規」字右側有「勾」字。

⁵⁹ 二本原皆作「麗紅踪跡」，中科院本圈去「麗」、「踪」、「跡」三字，於其左側改為「落紅香夢」；此四字右側尚有「簞簞小閣」四字，唯已圈去。

⁶⁰ 無錫本題為「惆悵」。

⁶¹ 中科院本「知」字右側有「胥」字。

⁶² 無錫本題為「牛毛」。

⁶³ 無錫本題為「黃昏」。

⁶⁴ 中科院本「又」字右側有「是」字。無錫本即作「是」。

⁶⁵ 無錫本題為「朝雲」。

巫山十二數朝雲，絮語殷勤靜夜聞。簾隔乍添香細細⁶⁶，酒醒翻覺恨紛紛⁶⁷。
將離開處春先去，防已移來信早聞⁶⁸。何事碧鸞棲未⁶⁹穩，等閒混入鷺鷥群。

B23 〈其二十三〉⁷⁰

涓涓流水小橋斜，風景分明似若耶。草號寄生黏柳絮，河⁷¹名無定泛萍花。
唸鞭瘦損詩中雁，剝繭長添袖裏蛇。目電心燈眉解語，茆檐春鎖夢琵琶。

B24 〈其二十四〉⁷²

蘭因絮果繭絲縈，唾玉談珠一笑傾。海上臙脂蟬翼重，天邊⁷³芳草馬蹄輕。
五更鐘動孤燈夢，三宿緣賒半夜筭。盈⁷⁴掬香瓊拚棄擲，蕭郎解佩悟平生。

B25 〈其二十五〉⁷⁵

涉江莫再憶芙蓉，岸柳汀花未改容。漫不關心嗔薄倖，無端覲面喜相逢。
苔封別院嘶簷馬，竹亞空堦護籜龍。我是天涯垂釣⁷⁶客，為卿常覺⁷⁷帶圍鬆。

B26 〈其二十六〉⁷⁸

十分春在鳥聲中，謝豹啼來樹樹同。細草裙腰隨處綠，飛花簾額自然紅。

⁶⁶ 此句二本原均作「簾隔香燒煙裊裊」，中科院本將後五字改作「乍添香細細」，觀筆跡乃出自余氏。

⁶⁷ 此句二本原均作「酒醒恨轉思紛紛」，中科院本將「恨轉思」三字改作「翻覺恨」，觀其筆跡，亦出自余氏。

⁶⁸ 此二句二本原均作「燈花冷澹裙生摺，環珮闌珊鏡有紋」，中科院本全予圈去，改易多次。上句「裙生摺」右側有「吹涼焰」三字，左側有「如來願」三字，已被圈去。下句「闌珊鏡」右側有「飄零憶」三字，「鏡有紋」左側有「未忍分」三字，亦均圈去。天頭上另有「空持環玦將離約，冷落燈花未忍分」二行，其旁並注：「此聯總未看洽」數字，此三行全為余氏筆跡，然又全予勾刪，並原文十四字亦盡數圈去，於其原句旁小字側寫「將離開處春先去，防已移來信早聞」二句。由筆跡觀之，亦出余氏。

⁶⁹ 中科院本「未」字右側有「不」字，唯已圈去。

⁷⁰ 無錫本題為「茆檐」。

⁷¹ 無錫本「河」作「沙」，蓋誤。

⁷² 無錫本題為「繭絲」。

⁷³ 中科院本「邊」字右側有「涯」字。

⁷⁴ 中科院本「盈」字右側有「手」字。

⁷⁵ 無錫本題為「涉江」。

⁷⁶ 中科院本「垂釣」右側有「惆悵」二字。

⁷⁷ 中科院本「常覺」右側有「憔悴」二字。

⁷⁸ 無錫本題為「可憐蟲」。

停梭凝待窗前燕，對鏡潛窺雨後虹。歲歲為花忙不厭，過牆蝴蝶可憐蟲。

B27 〈其二十七〉⁷⁹

游蹤曾說採蘭苕，天際浮雲興未降。玳瑁屏⁸⁰圍銜⁸¹玉鳳，荔枝鈴警吠花厖。
一腔密意遮紅袖，四面連珠鎖碧窗。除卻鏡中誰解語，照池人共影成雙。

B28 〈其二十八〉⁸²

畫圖心事久依稀，不管紅酣與綠肥。陌上人來挑菜雨，樓中香老織金衣。
樹頭春去鶯兒語，院落花閑燕子飛。試馬年年幾度，鞭絲帽影夜⁸³忘歸。

B29 〈其二十九〉⁸⁴

遙天芳信隔香塵，一紙書來幾度顰⁸⁵。燕剪桃花三月夢，鶯梭楊柳六橋春。
行雲知己非非想，流水年華去去陳。欲覓武陵溪上路，可容野客問迷津。

B30 〈其三十〉⁸⁶

洞口雲迷喚奈何，負春今已悔蹉跎。香泥啄倦雙棲穩，珊枕驚殘一夢過。
且⁸⁷向情田栽遠樹，怕⁸⁸從恨海起橫波。蠅頭蝸角尋常事，排解應難似此多。

（三）章江惆悵詞等三十八首

上文「心禪詩稿」（即A）與「憐香詞」（即B）是中科院本與無錫本共有之部分，以下（即C）則是中科院本所獨有者，全為余氏手書行草字體，共三十八首；原無標題，其中一至七首為聯章，名為〈章江惆悵詞〉，故依此題名，整理體例同上。

C01 〈章江惆悵詞〉

春風曾記可憐宵，枕夢闌珊恨未銷。從此蕭郎隔銀漢，碧天無際悵迢迢。

⁷⁹ 無錫本題為「照池」。

⁸⁰ 二本原皆作「山」，中科院本改作「屏」。

⁸¹ 中科院本原作「卸」，改作「銜」；無錫本原即作「銜」。

⁸² 無錫本題為「試馬」。

⁸³ 中科院本「夜」字右側有「竟」字。

⁸⁴ 無錫本題為「香塵」。

⁸⁵ 中科院本「幾度顰」右側有「轉愴神」三字，已被圈去。

⁸⁶ 無錫本題為「洞口」。

⁸⁷ 中科院本「且」字右側有「試」字。

⁸⁸ 二本原皆作「莫」，中科院本改作「怕」。

C02

楊花應自怨輕浮，飄向情波萬里流⁸⁹。此去錢塘莫回首，懷人有客正含愁。

C03

本來防患太離披，頓失藩籬願已違。好事不成驚噩夢，更無佳樹穩雙棲。⁹⁰

C04

叮嚀曾囑遠張羅，玩視奇兵竟渡河。薄命已嗟花墮溷，無端碧海起橫波。

C05

靈心慧舌太玲瓏，愁壓眉尖損舊容。弱質不堪霜霰集，枕函夜夜溼啼紅。⁹¹

C06

滿腔綺恨共誰傾，萬種相思夢不成⁹²。那有扁舟載西子，負卿空抱別離情。

C07

蓮花為姓月為名，前度劉郎莫問程。野草如烟迷客夢，惱人第一子規聲。⁹³

C08 〈續惆悵詞〉

萍水相逢是假真⁹⁴，天涯海角任蹄輪⁹⁵。秋來難遣纏綿恨，從此銀河莫問津。

C09

可憐身世逐東風，地北天南獨⁹⁶轉蓬。料得斜陽楊柳岸，亂鴉聲裏對飛⁹⁷紅。

C10

載美香車杏莫攀，臨岐一面反緣慳。遙知也為⁹⁸生離苦，濕透羅襟淚自潛⁹⁹。

⁸⁹ 「萬里流」右側有「不自由」三字。

⁹⁰ 此首上有評語：「才子悲傷，美人不遇，身世之感大抵相同。」

⁹¹ 此首有評語：「我輩半世憂傷，大抵彼蒼所忌，況靈心慧舌，更益之以玲瓏耶！」

⁹² 此句右側有「曲裏淒涼悵舊盟」七字。

⁹³ 此首有評語：「人既如是，欲享全福也難矣。余讀畢有感，口占一聯云：『美人一例無全福，才子從來有別愁。』吾輩碌碌，淄塵魚鰕，竊笑不知所謂修到三生者何在。」

⁹⁴ 「是假真」右側有「證夙因」三字。

⁹⁵ 「任蹄輪」右側有「覓真真」三字。

⁹⁶ 「獨」字右側有「類」字。

⁹⁷ 原作「袖啼」，改為「對飛」。

⁹⁸ 「為」字右側有「有」字。

⁹⁹ 此句右側有「悔不閒雲不出山」七字。又，此首有評語：「我亦局中人，聞君此語，為之黯然。」

C11¹⁰⁰

度歲關山遠息肩，相逢悔不二年前。而今月缺花殘後，賸粉零香最可憐。

C12¹⁰¹

連宵絮語訴衷腸，萬種低回妾自傷。雲水迢迢魂夢斷，從今莫羨野鴛鴦。

C13¹⁰²

鷓鴣啼老翠眉橫，芳草含情處處生。我欲重尋崔護跡，桃花人面再逢卿。

C14

入秋懷抱本無聊，況復伊人一葉飄。耿耿良宵春夢遠，去來空聽海門潮。

C15¹⁰³

快馬輕裝出四明，天時人事判三生。團圓若比重圓月，可許璠英理舊盟。

C16 〈丁丑三月石門道中偶寄〉

梅子青青三月天，綺羅香夢趁芳年。垂楊綠徧鶯聲老，落盡櫻桃聽雨眠。

C17

迴波渺渺草青青，人在天涯水泛萍。憶否片帆停遠浦，夕陽偏照短長亭。

C18

如此江山入畫圖，靈犀解脫綉羅襦。新蒲細柳兜兜夢，雲雨巫山似有無。

C19 〈友人齋中海棠初放，即為風雨所殘，賦詩誌恨，燈下口占，時庚辰三月朔日〉

海棠初試一枝紅，正喜藏春小院中。却悔未燒高燭照，匆匆零落雨和風。

C20

盼到花時豈易容，清明纔過正春濃。如何夜雨瀟湘夢，曉起粧樓覓去蹤。

C21

嬌姿旖旎最堪憐，況那相逢二月天。墮溷飄茵休計較，眼前狼藉已如煙。

C22

春原如夢太匆匆，我亦粗知色是空。十斛臙脂無定價，明年何處許相同。

C23

¹⁰⁰ 此首有評語：「二語何能得矣，天上人間，已作今生離別耶。」

¹⁰¹ 此首有評語：「僕曩為狹邪遊，不論何人，皆以此語丁囑之，無如遇非其人耳。」

¹⁰² 此首有評語：「雲水深深，落花杳杳，何處再逢耶。」

¹⁰³ 此首有評語：「殆無聊之極思耳，然亦堪憐堪笑矣。」

却憐相見未嫌遲，一種傷心只自知。好夢乍醒尋好夢，怪他風雨妒芳姿。

C24

多情多恨若年前，最怕春深故故憐。薄倖不緣卿負約，彈愁難盡十三弦。

C25

小軒供養有幽蘭，素質同心仔細看。差喜不當門戶地，晚風斜日倚闌干。

C26

美人芳草競芳顏，謝早開遲總一般。收拾殘花頻繞砌，埋香好去看春山。

C27

一枝照鏡問誰妍，玉腕移來春可憐。借得膽瓶勞供養，倩粧同夢倚香肩。

C28 〈夜話琳瑯館贈俞調卿〉

開顏堪一笑，雛鳳有清聲。肝膽江湖¹⁰⁴夢，功名歲月驚。

剪燈忘夜月¹⁰⁵，聽雨卜朝晴。明日遊山去，俗緣應許輕。

C29 〈祖師山〉

筇輿穿竹徑，覽勝欸禪關。會與老僧語，因之俗慮刪。

桼梅猶未落，新柳已堪攀。回首斜陽暮，不知身在山。

C30 〈劍門〉

昔聞劍門勝，奇跡喜相逢。岩石聳靈秀，湖田綠淺濃。

忘舊堪駐足，脫屣肯追¹⁰⁶從。我欲逃禪去，空山憶臥龍。

C31 〈三峯〉

憶曾遊此十年前，今又置身百尺巔。聒耳松聲無俗韻，迎眸梅朵尚鮮妍。

山中老衲擁徑坐，門外道人枕石眠。笑我不僧并不道，石礪袖手看流泉。

C32 〈偕調卿喬梓龐伯琛遊小石屋，觀露珠泉及石上孫子瀟太史¹⁰⁷嘉慶辛酉同人
聯句詞，時光緒庚辰花朝〉

石屋題名世慮刪，清遊今始到西山。棲雲寺小留春夢，珠露泉深憶素顏。

壁上新詞花解語，樹頭倦翮鳥知還。傷心千古飄零句，流水三生半日閒。

¹⁰⁴ 「江湖」右側有「關河」二字。

¹⁰⁵ 本作「雨」，改作「月」。

¹⁰⁶ 原作「相」，改為「追」。

¹⁰⁷ 按：即孫原湘，有《天真閣詩餘》。

附原詞 〈浪淘沙慢〉

渺渺冥冥（金斗）。千古傷心（秀珠）。玉箏彈得不成聲（子梁）。也怕風塵擔誤了，雙眼誰肯（蘭風）。喜合浮萍（子儒）。忍遣飄零（子瀟）。好憑流水證三生（蘭風）。他日紫雲紅雨夢，容我來尋（子梁）。

C33 〈和調卿琳瑯新館韻〉

兩地同心陌上塵，舊曾遊處喜重新。春雲樓閣花含笑，秋水文章句有鄰。架列奇書聊自富，胸饒佳趣漫言貧。羨君詩興今逾好，綽約吟壇作主人。

C34

新號琳瑯舊有廬，商量書史富三餘。挹青目許凌霄望，虛白心還伴月居。劍氣珠光人落落，日長花好景舒舒。登樓試一憑欄數，久駐門多長者車。

C35

戰壘荒瑩指夕陽，登臨幾度話滄桑。名山有約春來燕，好夢難留客去堂。高下平疇秧稻綠，彎環遠渚芰荷香。湖山佳勝君消受，西望吳園繞綠楊。

C36

琅玕消息隔疎櫺，聽徹蕭蕭曉復冥。攬鏡喜環千頃綠，開窗常對數峯青。懷人憶別憑舟轍，分韻拈毫共戶庭。恰似輞川圖畫好，湖光山翠作圍屏。

C37 〈庚辰仲春朔，調卿招至虞陽，遊敘半月，歸途以詩見贈，依韻奉答〉

十年抗俗走風塵，此度來遊恰好春。二月鶯花剛值半，三生情話暫相親。杯中照影憐今昔，鏡右論交第假真。小聚無端重賦別，橫塘新柳訝勞人。¹⁰⁸

C38 〈倒疊前韻〉

輕橈淺綠送歸人，惜別依依感性真。無恙湖山留舊約，隨緣花鳥許重親。煙雲世事今猶古，蓑帽生涯秋更春。此去萍蓬嗟浪跡，天南回首愧風塵。

二、心禪詩稿

（一）心禪吟草

無錫本《心禪詩稿》共分三部分：「心禪詩稿」、「憐香詞」及「心禪吟

¹⁰⁸ 此首天頭上有余氏自記：「庚辰春後肝疾大作，眩扑者再，九月三兒殤，心肝摧痛，體日益壞，迄今七年，忽忽無生人之樂矣。」

草」，前二部分亦見於中科院本，其中異文已彙校於前，茲不贅。「心禪吟草」（即下文 D）乃無錫本所獨有者，共收詩二七〇首。其中〈芙蓉月望次卮仙菊若史韻〉（D92）與〈和卮仙菊若史均〉（D99）重出，而〈甲午六月十有四日心禪晝臥竹榻似夢非夢偶得句云〉（D244）又僅為零句，故實為二六八首。

上海圖書館所藏《亦云詞》（《玉鑑堂藏書》982 號）之末三頁亦為詩，先為「心禪室詩」一頁，標題下有「無錫余一鼇心禪撰」字樣，共錄詩七首，即下文 D01 至 D07。次頁署「心禪老人詩稿」，標題下有「無錫余一鼇心禪」字樣，錄詩六首，即 A01 至 A06，其中第六首不全。第三頁無標題及署名，錄詩五首，即 D193 至 D197，但第一首缺詩題，第五首則缺後十五字；此頁及第一頁紙張樣式相同，且版心均有「西溪草堂」四字，知為同出一本之殘頁。茲將其異文隨文校訂如下：

D01 〈乙酉七月二十五日，燕山弟自成都書來，喜其得子，並見寄四絕。閱月夜燈悶坐，口占寄之，聊當面話而已〉¹⁰⁹

多病相憐弟與兄，年來有約阻歸程。池塘春草天涯夢，何日銜杯一笑傾。

D02

却喜吾家產石麟，開緘差慰老親嚬。丁單我怯根枝瘦，吳蜀飄零兩地均。（燕山弟書來，以四十四歲得子，為之喜慰。）

D03

身世無憑劇可嗟，浮生五十鬢先華。延秋庭院悲秋早，垂柳蕭疎日易斜。

D04

傲骨峻嶒問世愁，力慚自食窟無三。曉風殘月夢中夢，幾闋新詞味許諳。

D05

身世多磨感百憂，淡然名利本無求。年來負米慚無術，鳩拙經營許莫愁。

D06

可惜華年草草過，一生都被病消磨。無多滋味空¹¹⁰回首，喚醒何須春夢婆。

D07

白露含珠到海棠，榻來漸覺夜初長。憶君兩地相思月，吳蜀迢迢共此光。

¹⁰⁹ 《玉鑑堂藏書》982 號《亦云詞》中之「心禪室詩」，此首內容全同，唯題目「乙酉」前有「光緒」二字。

¹¹⁰ 《亦云詞》之「心禪室詩」，「空」字作「堪」。

D08

白髮高堂愛育深，春暉未報病相侵。思量至此頻搔首，耿耿於懷一寸心。

D09

喚醒邯鄲一枕中，塵寰渺渺幾窮通。月明如水低徊處，蜀道青天日又紅。（年來多病畏人，既夕畏明、氣短畏言，膽怯興敗，惴惴然不作終歲計也。）

D10

憶曾故里拜松楸，屈指於今已十秋。我欲待君共攜手，斜陽芳樹話田疇。（開化六都祖塋依山，祠宇均在山下，田均余氏子孫所耕。塘水維余姓可溉，他姓則否。祖宗貽謀至善，年來欲與燕山弟同歸展墓，作數旬之留，人事牽絆，有約未果，輒用耿耿，以後體日憊、齒日增，恐此願難以償矣。丙子夏在家時，每夕陽西下，偕族中昆季侄輩閒步隴畔，指山話水，時雖多病，回首思之，今更不若前矣。）

D11

大溪老屋漸荒涼，三宿因緣尚有桑。太息老成凋謝久，白頭尚幸拜中堂。（六都大溪邊親仁堂老屋尚存，年久失修。光緒丙子閏五，自西安還鄉掃墓，宿於甯壽堂數夕，尚及見崑山伯父，茲已歸道山數年矣。）

D12

三世牛眠碧蘚封，最憐老樹逐飛烽。扶持保護嗟予季，從此青山雨後濃。（四川榮昌縣南門外小丹橋祖墓，曾祖容光公、祖考鄰水公及伯兄覺峰均葬焉。墓田及樹木，昔年叔父以貧故，售於土人，後於左右挖石燒窟，駭有不保之勢。幸賴燕山弟籲求當道諸公設法保護，列入縣中忠義會中，永歸地方首事照料，我余氏子孫世世銜感圖報矣。）

D13

萬千心事共誰論，身世浮沈問水濱。寥落晨星悵吳蜀，何時相對一含嚔。

D14

話到危城事可哀，傷心陟岵意全灰。鶴原更痛分離苦，從此人寰不再來。（咸豐庚申四月十日，粵匪陷無錫，嚴親、仲弟均被擄未歸。）

D15

回首漂零皖與湘，酬恩未果總荒唐。捫心夙夜頻搔首，倚枕空餘淚數行。（予自庚申四月城陷被擄，九月至皖，之廬江，辛酉三月，得邑人郭哲川兄導行，始得渡江。至和悅洲，千里間關，以達長沙，中間所遇推解，指不勝屈。今維哲川通問，此外無可物色報答矣，思之愴然。）

D16

昔年叔夜感交情，生死噓枯比重輕。二十餘年彈指隙，可憐墓木已堪楹。（辛酉夏至，長沙穠丈月生，刮目相待，慰勉備至，乞吳貞陔觀察予函授營，便道尋親，得以母子重逢，皆丈之賜

也。茲歿已十餘年，每念之，披覽遺函，不禁涕流之覆面也。）

D17

因循悠忽誤平生，杯酒論心涕泗橫。局促輾駒空歲月，深慚未作一驚鳴。

D18

滄海橫流莽莽沙，欲逃空谷寄浮家。柴門臨水花開落，覓箇桃源度歲華。

D19

流水桃花處處家，石梁渡頭飯胡麻。採蘭若許深山住，不管人間有歲華。

D20 〈丙戌除夜感懷〉

紅蠟高烧餞歲闌，來朝五十勉加餐。拈鬚訝數一莖白，攬鏡先看兩鬢斑。
有限光陰容易過，無多滋味去留難。椒盤柏酒休相問，輸與兒童笑語歡。

D21

頭顱爾許悔當初，馬齒徒增願已疏。不信憂真能損骨，始知視倦為耽書。
綿綿雨雪愁難遣，草草杯盤歲易除。珍重春來桃李宴，放懷天地欲誰如。

D22

浮生不值一錢輕，已到無聞事可驚。回首那堪空歲月，捫心都愧負評論。
白雲終傍青山好，慧眼難憑巧舌爭。窗外雨聲喧未歇，擁衾細數夜長更。（稽丈月生，
昔年最垂青眼，逢人說項，期望至深。今茲一事無成，負丈多矣，言之哽咽。）

D23

朋儕落落悵晨星，遑問交情渭與涇。放眼已嗟懷自遣，舉頭早覺夢常醒。
履從河上冰虞薄，乞向山中草更靈。寄語老狐勤側耳，莫教濡尾露真形。

D24

虛名畫餅未堪誇，狗苟蠅營樂歲華。賤子自甘泥屈蠖，丈人未許鳳隨鴉。
耳充群彥朝生菌，舌粲餘音雨過霞。腹負豈容卿輩捧，此中端緒本無涯。

D25

聰明豈賴察雞豚，國士難忘一飯恩。乞米有緣腰可折，點金無分舌堪捫。
謬言妄許關心事，痛飲狂呼拭劍痕。誤爾稻粱江上夢，翟公重見爵羅門。

D26

省識春風半面妝，漫提往事費思量。絮因萍果三生夢，雲歛煙收一炷香。
舊燕飛來門寂寂，曉鶯啼過柳茫茫。人間多少傷離怨，輸與清流白足郎。

D27

升沈兩字比牛毛，得過寒蟲許自號。酣夢輕鷗眠白浪，傍簷垂柳著青袍。
三年江上愔愔別，五日旗亭草草勞。雪壓梅花喧爆竹，燈如紅豆首頻搔。

D28

臘去春來指顧新，事經回想最驚人。側身虎穴安廬道，脫籠雉飛楚漢濱。
二十年來彈指急，一千里外負恩真。寒釭別欲揮清淚，願結他生未了因。（廬江郭哲川
辛酉之春，授計脫予於厄，二十餘年不能一見，春間乃弟書來，知於乙酉冬間作古矣。相去千里外，不能躬往
哭之，故人長往，圖報無由，良用耿耿。）

D29

十年心已厭塵囂，大地山河許我僑。臨水柴門三徑闢，面山竹屋一筇招。
等身籬繞花千樹，碍帽枝垂柳萬條。此境不成憑夢想，春鷗秋蟀共迢迢。

D30

清興年年遞減多，養魚種竹願蹉跎。天公不與東風便，地道無成北面呵。
五寸朱顏空落寞，三分劍氣未消磨。竭來敗絮行荊棘，白水茫茫歎逝波。

D31

無分高樓百尺憑，鏡來憐爾髮鬢髻。中年已過退飛鷗，四十便如下院僧。
與世悠悠觀我相，似誰碌碌避人憎。不堪空抱聞鷄恨，坐對炎敲欲語冰。

D32

五十平頭事可知，角聲到耳鬢成絲。放魚好向中流樂，籠鳥空勞粒粟施。
雪凍牆腰寒擁袖，花開簾額夢臨池。多愁多病年年在，採藥名山我所思。

D33

洄溯重陽樂事賒，電機流火鬥繁華。如花姪女輕於燕，賽月清光小似瓜。
良會即今成幻境，高朋自古載同車。攜將一枕邯鄲夢，試聽官私兩部蛙。（丙戌重陽，
味純園主人招集中西女士觀試電燈，良辰美景，接席傳觴，予亦適逢其會。）

D34

浪跡頻年海上游，難忘踏月大江流。絕無同調黃花飲，可有知音碧漢秋。
萬里襟懷消永夜，千鈞事業付浮漚。解衣推食平生志，此願還應許我酬。（去秋客滬，
秋月皎潔，江干步月，光景絕佳，而同志極少，回憶清輝，祇增悵惜。）

D35

無限低徊此夕中，事多已往轉朦朧。清寒骨相松間鶴，淡泊生涯雪裡鴻。
遲暮已增斜日感，飄零況類晚途窮。金丹換骨應相許，許作忘憂百歲翁。

D36 〈戊子冬月望日臥疾憶梅園次韻〉

竹籬茅舍亦陶然，繞屋梅當繞郭田。紅豆珠成春未破，綠陰夢覺境全捐。
疎林月冷窺窗過，倦枕爐溫入手旋。盼到枝頭青綴子，愔愔彈指換流年。

D37 〈冬夜即事〉

角聲吹徹女牆西，月警荒雞喔喔啼。霜重板橋人跡少，時清蓬巷犬音低。
風如飛燕輕穿竹，夢類歸雲不染泥。旭日輝煌初到眼，幾家砧杵曉寒淒。

D38 〈冬月二十九日，至東湖塘，與鳳喈夜話〉

二十年前此泊舟，而今重到費凝眸。橋梁略似依稀夢，雲樹疎同縹緲愁。
問歲共嗟三月早，勞農幸獲五分收。還憐穀賤曾剗肉，脫帽頻搔半白頭。

D39 〈晦日自東湖塘至八字橋〉

西風抖擻樹頭鳴，獵獵寒蘆也助聲。雪降早占朝起霧，雲開徐放晚來晴。
接天暮色飛歸鳥，傍岸輕舸數夜更。差喜勞農知足好，相逢幸免嘆荒耕。

D40 〈嘉平四日，滴水成冰，憶舊偶成〉

驚心電掣數流光，過眼鶯花夢一場。大度容卿多慷慨，柔情憐我似荒唐。
工夫添線兒童課，事業輸公上下牀。五十年華等閒去，謾憑通塞問穹蒼。

D41 〈五日擁爐〉

浪迹今年海上過，自憐壯志已消磨。病餘可有凌霄氣，金匱聊吟知足歌。
喜近高堂瞻色笑，慚無別業問岩阿。推窗又見紛紛雪，袖裏爐溫子細摩。

D42 〈初九夜月時，積雪未消，寒光皎潔，深宵數起玩之〉

星芒的皜夜如銀，此際應無搔首人。雪擁寒光階種玉，梅橫瘦影月增神。
殘冬詩句飄零絮，破帽檠燈現在身。太息黃墟數知己，可憐春夢已成塵。

D43

參橫斗轉一天霜，雪月交輝互寶光。風定夜窗孤竹靜，冰凝驛路馬蹄忙。
青燈書卷兒童味，紅豆天涯客夢嘗。卻起推簾再窺月，疎疎梅影上東牆。

D44

寒衾夢醒寂無聲，月到東窗漏幾更。繞枕角音三太息，鋪庭籬影一棋枰。
樓臺高下瓊瑤幻，肝膽分明冰雪清。料得廣寒仙闕裡，素娥青女兩盈盈。

D45

頭顱爾許為誰憐，今夕真逢雪月天。夢醒起書新得句，宵長臥學晚參禪。
鼠妨燭短窺燈早，貓戀爐溫傍枕先。自笑浮生最無聊，衰傭不值一文錢。

D46 〈遣懷〉

年來愧對讀書檠，而視茫茫每自驚。無計埋憂登郭望，有時得句好山吟。
夕陽紅近鷓翻戍，積雪光中犬鬧更。汲水然松閉門處，滌來詩思二泉清。

D47 〈得起〉

得句偏於枕上宜，陰晴慣向隔簾窺。茫茫曙色鴉啼早，寂寂虛堂鷄唱遲。
曉日襟懷秋萬里，暮年情事柳千絲。悠然身世君休問，花落雲歸我自知。

D48 〈寒夜追念平生知己，如顧菴塘表丈、嵇月生丈、陳子奉觀察、子固司馬，
愴然有作，以誌悲懷，不知涕泗之何從也〉

不才未著祖先鞭，辜負先生幾輩賢。青眼誤公行渺矣，白頭如夢只淒然。
欲傳遺稿成虛願，竟乏餘糧理舊編。此夕留函重捧處，曷禁揮淚夜燈前。

D49 〈十一夜，寒雨通宵，夜不成寐，曉起有作〉

分明徹夜響蕭蕭，誰道窗前又種蕉。楚水寒塘鷗夢闊，曲池斷岸凍痕消。
鳴鳩幾許呼簷角，乾鵲曾聽噪柳條。差喜郊原生意滿，麥畦慘綠界裙腰。

D50

空階點滴度寒宵，月掩清光悵寂寥。遠柝雨喧千杵急，疎櫺風逗一燈遙。
曉聞屐齒穿深巷，午迹雞蹤過小橋。近事最奇君領取，嚴威三九鼠欺貓。

D51 〈寒夜歸舟有感〉

離亂憂傷淚一襟，近來華髮不勝簪。月斜斷岸推篷望，風峭孤帆擁鼻吟。
烟篆香中雲歷歷，電光歲裏馬駸駸。留燈小炷君休訝，回首遲嗟惜暮陰。

D52 〈閒居即事，書寄永嘉樵司憑索甌柑〉

靜裏工夫子細參，閒中景物許同諳。是誰初見貓銜蛋，共子來聽鼠鬧龕。
千里馬今空驥北，一枝春早占江南。詩成忽作東甌夢，寄語先生可賜柑。

D53 〈感語事〉

衰病從知萬事空，炊餘今古有焦桐。聞鷄氣象三更後，射虎功名一笑中。
但使世情人返樸，不妨吾道歲寒窮。桐巖風月尋常耳，無用嘵嘵賦草蟲。

D54 〈寒夜對月謾成〉

膽瓶橫影一窗橫，萬籟無聲匣劍鳴。犬吠嚴城孤角靜，雁飛殘月夜燈清。
高松嶽嶽應巢鶴，寒柳疎疎欲放鶯。借問谿橋花著未，衡門稚子笑相迎。

D55

夜月三更聽斷鴻，枕邊輕夢忽西東。追歡始覺春歸早，攬勝因知目力窮。

得失雞蟲原草草，鷺鷥身世本空空。冰心一片同懷抱，只憶園梅已著紅。

D56 〈圍後有隙地數弓，欲構小樓以攬西神山色，蓄志三年，病慵費絀，未必成也，嚴寒袖手賦此自遣〉

身健應須秉燭遊，老知生世本浮漚。莫閒白日橫長笛，欲對青山憶小樓。
野寺霜濃鐘鬧曉，市河冰斷客吟愁。騎驢萬里橋邊去，但見梅花百慮休。

D57 〈苦寒飲酒〉

誰識頻年厭歲心，都緣衰病苦凌侵。看花霧裡茫茫視，把卷添燈去去吟。
淡泊功名無我相，飄零身世與鷗沈。忘憂未必能憑酒，北海樽空且漫斟。

D58

琴劍飄零不繫舟，便無風雪使人愁。大江泛月中流感，小閣焚香此際留。
遠信難憑鴻與雁，浮名任作馬呼牛。雲煙變幻思之熟，輕夢還應付白鷗。

D59 〈二十三日喜晴〉

拂拭西溪舊草堂，開窗晴旭滿書牀。十年今看花成杏（杏核遺土自生者已成樹，著花結實），三丈還欣柳過牆（無心插柳，依依高出牆外，已盈數丈）。

愛日幸依慈母負，餘糧曾憶故人將。北階尚有難消雪，稚子頻攜玉尺量。

D60 〈二十四日讀史有感〉

桃李恂恂荊棘多，唾壺擊缺遶梁歌。銜蘆鴻雁虞身重，量谷牛羊瞰頂摩。
採蕨山中呼野鹿，披裘江上笑飛蛾。人生適志應如此，白髮無心醉裡科。

D61 〈殘冬即事〉

殘臘嚴威苦見凌，陳編相對靜於僧。驅寒喜酌盈樽酒，哦句愁生滿硯冰。
玉笛聲聲樓獨倚，金壘歷歷夢誰憑。高城日暮鳴哀角，紅豆噙成一粟燈。

D62 〈戊子四月二十五日口占，時立夏日也〉（補錄）

枝頭又見摘青梅，喚賣朱櫻得得來。夢醒始知春又去，小庭雨歇牡丹開。

D63

紛紛蝴蝶滿園飛（時虞美人花正放），細雨濛濛欲濕衣。笑望隔牆花姊妹，送春歸去夕陽西。

D64 〈冬月十二海甯潘芝畦廣文自金閭寄詩見懷次韻〉

別來屈指已將年，添綫光陰似磨旋。眼底繁華如夢過，病中紙墨共秋捐。
思量海有忘機客，羞澀山無負郭田。曉對朝曦聞剝啄，朵雲飛到一嫣然。

D65 〈倒用前韻〉

園梅紅報一嫣然，自笑荒蕪拳石田。壯悔輸人鞭未著，病思伏櫪志甯捐。
柴門雞犬依岩宿，原隰牛羊繞郭旋。却羨山中等閒度，忘憂歲月樂年年。

D66 〈燈下〉

入山採藥說年年，搔首因循似鷓旋。有限風光愁共度，無多詩興扇同捐。
飄零倦舞郎當袖，寂寞荒耕犂确田。我欲煙波吹鐵笛，寒蘆雪壓夢陶然。

D67 〈閉門〉

黃花開老欲忘年，燕雁無心去又旋。病久從知塵可厭，氣衰始識壯能捐。
草枯木落兔尋窟，腦滿腸肥蠅在田。掩耳不聞鴉鵲語，柴門深局息譁然。

D68 〈飲酒〉

桑榆暮景惜殘年，已謝經營費斡旋。閉戶縱無陳蔡厄，浮生甯免首陽捐。
難捱蜀道青天路，愧乏吳趨白米田。臣朔長饑回屢空，解嘲把盞一醺然。

D69 〈不寐〉

但冀貧健即欣然，坐擁書城不問田。三徑荒蕪松菊瘦，十年廢疾策鞭捐。
未緣老去心先退，肯為嗟來志便旋。伏櫪即今嘶病馬，更更更鼓夜如年。

D70 〈嘉平朔，雪中舟次八字橋。客有以紅豆粥見貽，別後賦贈〉

冒雪聊同訪戴游，船頭著屐屢相過。一盂豆粥蕪蕪惠，飽暖身如挾纊多。

D71

忘年交誼古人同，賓至如歸有舅風。氣宇多君朗秋月，年逾弱冠比終童。

D72 〈感興〉

憂時但覺負君親，那更哀慵誤此身。抱甕未嫌稱老圃，上書無分本齊民。
鷓鴣志願嗤溫飽，燕雀生涯供笑顰。安得漁樵江渚上，綠簑煙雨一犁春。

D73 〈戊子除夕〉

不學茶仙學酒仙，偶然得句共誰聯。亭亭長炬明殘歲，渺渺癡雲墨遠天。
臥榻先生能虎嘯，含毫居士憶龍眠。舉杯相餞從頭數，五十年來又一年。

D74 〈憶辛巳初冬，與董季友表甥同游福州西湖，賦此卻寄〉

一別西湖已八年，舊游如夢亦如仙。綠陰靄靄人疑夏¹¹¹，紅葉紛紛秋滿天。
蟬曳殘嘶斜照裏，蝶偎瘦影晚香前。當時見慣司空事，此際思量始覺憐。（福州有種
紅葉樹，其色絕佳，非丹楓所及，他處所罕見也。）

¹¹¹ 此首有眉批云：「靄當作藹。」

D75 〈憶甲申二月偕友同游元墓，夜宿還元閣，月下憑眺漁洋諸山，今茲友已作古，予亦驟衰，眷念昔游，賦此寄慨〉

靜夜空明佛殿燈，此心何似冷於冰。拋殘紅豆憎寒雀，感念黃墟憶舊朋。
垂柳含春情婀娜，蒼松作勢氣飛騰。羨他水月清華地，輸與山僧最上乘。

D76 〈辛巳冬，偕季友甥同游福州之鼓山，再宿白雲堂，昨宵夢境似復到此，覺而賦之，悵惘殊不能已，即寄季友福州〉

滿地紅蕉映碧菴，倚樓修竹映潭潭。不知浮世逃名樂，來共空山老衲參。
紅豆分拈花四座，青嵐相向佛同龕。八年往事今宵夢，何日重停古寺驂。

D77 〈因夢憶當日游山情景，歷歷在目，賦此并寄，維予二人知之〉

上方香火各西東，稍向蓮池鑑碧空。水上鐘聲鳴自在（流水鳴鐘，曉夜不絕），池中人面笑相同。

移根戲掘垂垂紫（山菓不知名者，移根以歸），插帽爭誇顆顆紅（紅子色勝天祝，季友插帽而歸）。往事八年重記取，聊憑紙墨話離衷。

D78 〈從鼓山用遠鏡俯瞰南臺大橋，長不盈丈，往景追維，並悼念子方庚兄，以誌感愴〉

上界鐘聲下界聞，倚闌俯矚掌羅紋。大橋虹臥千尋小，萬戶蜂屯九派分。
燈火繁星明晚市，樓臺夕照爛晴雲。名山縱許重相見，惆悵同庚失雁群。

D79 〈記別鼓山之晨，偕季友各攜一瓶，欲納雲其中，歸而放之，登岩一層，覺濃者在上，連登數層，輒如之，山雨欲來，乃不果捉〉

佛殿鐘魚靜夜聞，始知僧在上方勤。冬來乃具早春意，語異不知何所云。
收束龍蛇憑示客（拓石刻數種），安排瓶甕待拏雲。皈依禮佛辭山去，涇渭還嗟步步行。

D80 〈己丑新正三日臥疾，記辛巳別鼓山時情事，宛然在目，牢不去懷，枕上成句〉

細雨斜風送客塵，山靈憐我不勝情。下方試覓歸鴻爪，上界重聽野鹿鳴。
雲傍古槐同蟻幻，夢隨逝水眷鷗迎。如何隙影分明在，白髮應從此際生。

D81 〈足疾久不出門，賦此自遣〉

本來已屆杖家年，若倚剡藤劇可憐。臨水不知魚所樂，迷香應笑蝶之顛。
杏花春雨江雨地，燕子東風二月天。為道先生漫惆悵，晴明且試惠山泉。

D82 〈立春後一日放晴〉

病起方知春又來，喜聞紅露小窗梅。嫩晴無賴東風緊，臥對爐香一舉杯。

D83 〈記夢境〉

乍見庭花雨過紅，芭蕉綠映小窗東。遽然一覺南華境，雲淡風輕是夢中。

D84 〈寄季友憶游鼓山詩，再書一絕於後〉

新句吟成寄遠情，天風猶作海濤聲（鼓山高處有朱子題「天風海濤」字）。舊游回首同霄漢，輸與山僧一笑迎。

D85 〈己丑小春初八夜和卮仙韻〉

涼月如梳樣，淒淒照夜煙。堊雲迷壞塔，破夢覺遙天。
積漲橫塘外，新寒到枕邊。五更雞唱曉，情尚一絲牽。

D86 〈又和絕句〉

春燈紅豆夢輕拋，三月黃鸝上柳梢。倚徧碧闌干十二，清明寒食燕尋巢。

D87 〈己丑八月二十夜集錫山于忠肅公祠呈卮仙〉

一鉤殘月照牆西，唧唧秋蛩滿院啼。樹影深深燈影瘦，山痕曲曲水痕低。
香雲縹緲輕穿戶，春夢霏微易染泥。欲禮上真朝北斗，夜窗待曉寒淒淒。

D88 〈和卮仙半醉生〉

名利驅人孰肯休，小山叢桂又延秋。蛩聲四壁望星斗，殘月一鉤東海頭。

D89

猶有秋蓮一瓣香，喜聞人說桂花黃。秋山似解深宵冷，石壁先披薜荔裳。

D90

花影徐徐月半廊，昨宵飛夢渡瀟湘。清泉一勺中泠共，肯與凡人滌肺腸。

原作

老漁歸棹喚樵休，滿徑蟲聲四壁秋。明月被山遮未吐，清光先上樹梢頭。
石根池菊夜生香，自酌村醪試蟹黃。野鶴不知孤立久，忽驚涼露滿衣裳。
疎影交加月滿廊，分明此景似瀟湘。煎茶試向林間坐，聊借清涼洗濁腸。

D91 〈次韻卮仙碧蘿〉

歸夢分明隔水東，村南舍北路遙通。山銜落月眉容瘦，塔隱疎林畫趣工。
詠罷霓裳珠露白，裁餘蠶繭燭花紅。無端佳句青鸞報，頰首應憐爨下桐。

原作

銀河清淺水流東，萬里騫槎信不通。竊藥姮娥緣獨短，數錢姹女術偏工。
秋風紈扇留蝸墨，蓬島銖衣褪蜥紅。淒斷蕪城涼月夜，滴殘鶻雨冷梧桐。

D92 〈芙蓉月望次卮仙菊若史韻〉

月意橫來燭焰嬌，舉杯豪興未全消。黑雲挾雨喧窗過，翠竹搖風隔院翹。
夢裡飛紅花萬點，江干別緒柳千條。一溪秋水東流處，記取門前是斷橋。

D93 〈小春十日和卮仙愛花主〉

一徑蓬蒿晝掩門，娟娟秋月最銷魂。庭間不種閒桃李，獨有凌霜傲骨存。

D94

望塔樓中雅興同，忽驚詩句奪天工。移琴待訪花消息，新雁橫秋一笛風。

D95

焚香候到日西斜，羨煞神仙處士家。酒興濃時詩興好，一籬新放到黃花。

D96

溪色秋光又夕陽，十分清是菊花香。詩賡待盼簾前月，更喜神仙在一堂。

原唱

數過柴桑處士門，花光人面倍銷魂。羨君移得東籬種，彭澤高風喜獨存。
此花不與別花同，五色迷離造化工。傲骨經霜含冷艷，愛他晚節鬪西風。
溪城市散夕陽斜，恰好重逢買酒家。漫道思君情不切，昨宵親見結燈花。
德星聚處識王陽，叉手詩成翰墨香。賓主持蟹同斟斗，舊交相約宴華堂。

D97 〈和卮仙韻〉

疎籬風過夕陽天，却望籃輿似暮年。對鏡鬢華競晚節，持杯口笑憶前緣。
角巾丰度清偕俗，菊枕乾坤夢也仙。今夜月明人靜處，雁飛初見影翩翩。

D98 〈和卮仙一縷種菊原韻〉

移得嶙嶙一寸根，植來籬畔化秋痕。遙天雁字雲初淡，遠砌蛩吟雨後昏。
漉酒不辭騷客飲，折腰聊供故人樽。莫嫌花事催寒信，露結為霜靜掩門。

原唱

相從老圃乞霜根，高下移來帶雨痕。裝點笑開秋富貴，蕭疎好繪月黃昏。
攜鋤露浥花三徑，顧影風前酒一罇。清品本來生淨土，何方培植到朱門。

D99 〈和卮仙菊若史均〉¹¹²

月意橫來燭焰嬌，舉杯豪興未全消。黑雲挾雨喧窗過，翠竹搖風隔院翹。
夢裏飛紅花萬點，江干別緒柳千條。一溪秋水東流處，記得門前是斷橋。

¹¹² 此首與 D92 詩題雖有詳略之異，實為同首重錄。

D100 〈和乩仙韻〉

記得樓頭夢未成，月圓人靜到三更。數行弱柳如儂瘦，不待西風顧影輕。

D101

而今況是已涼天，開過芙蓉秋可憐。盼盡征鴻消息杳，夕陽紅淡一溪煙。

D102

記得仙詩和未成，幾番雞唱數更更。爐煙篆出秋雲勢，斜月移花著紙輕。

D103

而今喜是小春天，紅杏枝頭我最憐。昨夜鯉魚風又起，曉來吹淨小溪煙。

D104

記得詞賡半闋成，神仙同室共三更。一罇綠螳憑君換，譜出新聲格調輕。

D105

而今重憶那時天，過隙駒光分外憐。最愛亂聲刀尺語，倩魂銷盡夕陽煙。

〈己丑小春，望夕五更，乩仙原韻〉

記得寒衣料理成，夜深刀尺度三更。憐郎一束腰支瘦，爲製新棉著體輕。

而今風雪又寒天，冷逼青衫誰復憐。漫說裝棉更添線，此情此意渺秋煙。

D106 〈愛記得而今四字一絕〉

記得陽春上樹頭，霏紅歡笑褪紅愁。而今黃葉西風裏，落木蕭蕭一片秋。

D107

記得前宵月滿頭，倚樓橫笛許消愁。而今風雨雞鳴夜，零落寒塘一鏡秋。

D108

記得菩提棒喝頭，覺來身世夢漚愁。而今領略空明界，白鷺飛來一點秋。

D109

記得黃花插滿頭，鏡中人面似儂愁。而今溪上三更月，只少憑闌一笛秋。

D110

記得啼鶯在柳頭，去年巢燕認儂愁。而今佳節怱怱過，四月清和一似秋。

D111

記得飛紅落案頭，受風輕燕慣銜愁。而今菊滿高人宅，坐對南山一品秋。

D112

記得青錢解杖頭，醉餘清興不知愁。而今人語疎燈夜，竹院尋詩一徑秋。

D113

記得橫塘古渡頭，蓼花紅向夕陽愁。而今雁語關山驛，風送蘆花一夜秋。

D114

記得梨花撥甕頭，但開笑口莫言愁。而今客裏逢君別，寄語相思一雁秋。

D115

記得生公石點頭，飄零鷗鷺不勝愁。而今作客天涯久，斜月疎鐘一路秋。

D116

記得啼烏早白頭，疎星殘月替儂愁。而今去去行行慣，茅店雞聲一枕秋。

D117

記得降帆出石頭，英雄老去使君愁。而今山色青青在，粉本江東一樣秋。

D118

記得湖名在石頭，莫愁天子竟忘愁。而今千載風流恨，兩字分明一筆秋。

D119

記得蟬吟綠樹頭，夕陽冉冉使儂愁。而今紅樹青山夢，換作西風一葉秋。

D120

記得嚴陵江水頭，畫眉聲裏亂山愁。而今搖落斜陽岸，賸有橫塘一曲秋。

D121

記得離家憶隴頭，寄人簷角總含愁。而今脫却雕籠去，翠羽紅珠一啄秋。

D122

記得頻呼不掉頭，含羞佯作替花愁。而今燕子樓中夢，紅豆疎簾一桁秋。

D123

記得池蓮開並頭，鴛鴦雙宿兩忘愁。而今翠蓋紅裳處，付與眠鷗一夢秋。

D124

記得青山絕頂頭，子規聲裏草含愁。而今細雨秋燈畔，湘管吟成一研秋。

D125

記得憑欄最上頭，萬梅花頂展眉愁。而今夢裏還相憶，石瘦松奇一鶴秋。

D126

記得憐才是虎頭，難酬知己愧還愁。而今搔首頻呼負，拜石山房一卷秋。

D127

記得知音岳麓頭，人言愁我亦云愁。而今清夜慚無補，遺墨空懷一扇秋。

D128

記得穿針嚙線頭，銀河隔岸兩星愁。而今不羨鴛鴦夢，滄海沈沈一粟秋。

D129

記得龍山落帽頭，疎狂容我不言愁。而今憔悴登樓客，蕉葉題詩一席秋。

D130

記得恩恩別馬頭，東西勞燕各含愁。而今同訴飄零恨，灞上離亭一望秋。

D131

記得呼鷹塞上頭，黃沙白草使人愁。而今紅燭談兵夜，畫角聲中一帳秋。

D132

記得孤舟白浪頭，乘風擊楫渺余愁。而今重話江天夢，兩點金焦一指秋。

D133

記得陶公聚竹頭，來時不及未來愁。而今運甓人何在，見兔亡羊一笑秋。

D134

記得耽書案伏頭，青燈黃卷解顏愁。而今霧裡看花倦，高閣深藏一架秋。

D135

記得天涯客舉頭，每因望月動鄉愁。而今不作關河夢，常對青山一角秋。

D136 〈小春月二十日續和十二音〉

記得占爻數指頭，流連卦好自排愁。而今心事無人識，認取螺紋一掌秋。

D137

記得山花滿插頭，愛聽鳥語壓塵愁。而今搔首西風裡，蛩語青燈一砌秋。

D138

記得乘槎碧海頭，當前氣概欲推愁。而今空有關山夢，踏破寒雲一磴秋。

D139

記得青梅綴樹頭，漫天飛絮亂堆愁。而今獨上高城望，驛路雞鳴一唱秋。

D140

記得疎花種墅頭，開時含笑落含愁。而今疎柳橫塘影，賸水殘山一縵秋。

D141

記得呼鷹古塔頭，遙天箏響為誰愁。而今舊夢無尋處，蟋蟀聲聲一籠秋。

D142

記得從戎裏襖頭，陣雲寒壓鼓聲愁。而今往事重回首，鷓鴣橫空一盼秋。

D143

記得梅酸沁齒頭，光陰好處不該愁。而今風雨重陽後，碧水鳴榔一港秋。

D144

記得深宵探鼠頭，寸光如豆笑還愁。而今紅燭亭亭夜，照見芙蓉一朵秋。

D145

記得春蠶絲吐頭，他時成網替魚愁。而今同作蛟龍夢，浩渺江湖一派秋。

D146

記得金蓮寶炬頭，撲來蛾綠夜飛愁。而今紅豆花如意，兩字相思一字秋。

D147

記得風吹五兩頭，亂帆影裡去來愁。而今躑躅江湖夢，笑買黃花一絡秋。

D148

記得春波漲鴨頭，蠕蠕蝌蚪掬來愁。而今蘆荻清寒水，蠟火漁梁一籟秋。

D149

記得牽蘿補屋頭，美人香草供消愁。而今悄對鴛鴦菊，禪榻移來一種秋。

D150

記得青絲絡馬頭，珠簾捲處散春愁。而今客路銷魂景，鸚鵡呼名一隴秋。

D151

記得丹砂頂鶴頭，松巢百尺絕塵愁。而今竹院尋禪夢，幾曲疎籬一杖秋。

D152

記得催詩擊鉢頭，拈來好句不工愁。而今對菊持螯夜，蝴蝶杯深一罍秋。

D153

記得珍莊七佛頭，臨池揮灑足忘愁。而今鬢鬢須重影，休問拈毫一想秋。

D154

記得葫蘆背綠頭，小紅低唱小蛾愁。而今還憶風前影，笑指青帘一颺秋。

D155

記得珍珠數額頭，梨渦嬌渾可憐愁。而今夢繞闌干曲，翠袖天寒一倚秋。

D156

記得雙棲鳥白頭，芙蓉塘外許忘愁。而今歸燕無尋處，桂子天香一數秋。

D157

記得邯鄲借枕頭，誰知富貴本牢愁。而今猿鳥同吟嘯，天淡雲間一問秋。

D158

記得軍書六月頭，十年常結五中愁。而今擊壤歌歡樂，尚憶紅旗一馬秋。

D159

記得鳴蛙繞陌頭，三更喧夢憶鄉愁。而今雨過紅闌角，悄聽吟蛩一笛秋。

D160

記得清溪小閣頭，櫻桃含笑鷓鴣愁。而今不作天台夢，卻對西山一笏秋。

D161

記得紅絲繫臂頭，者番相見者番愁。而今細草斜陽院，閒煞鞦韆一索秋。

D162

記得溪山無盡頭，鳥啼花落送春愁。而今琴劍飄零久，猶有青衫一領秋。

D163

記得蜻蜓碧篠頭，平安不比釣竿愁。而今簾捲黃花瘦，薄倖邀君一眼秋。

D164

記得紅歸棗樹頭，勞勞行役夕陽愁。而今月白風清夜，酌我金罍一斗秋。

D165

記得花香蝶躡頭，較量春色淺深愁。而今傲骨西風裏，滿眼黃花一帽秋。

D166

記得天涯海角頭，哀笳吹起五更愁。而今夢裏吟刀尺，子夜歌聲一調秋。

D167

記得芳名署扇頭，楊花撲面子規愁。而今風露中宵共，絡緯吟成一串秋。

D168

記得焚香夢裏頭，樊川惆悵輞川愁。而今接席蓬萊侶，璧合珠聯一島秋。

D169

記得卿雲五色頭，萬家仁壽樂無愁。而今抖擻丹青筆，畫出南山一鹿秋。

D170 〈和石隱〉

客來笑語過重陽，無酒無花莫舉觴。猶喜連宵風雨後，尚留一半桂花黃。（今歲菊花尚早。）

D171

桂接芙蓉景物新，海棠嬌欲喚真真。憶他望塔樓頭夢，可有神仙唱和人。

D172

中庭猶賸桂花黃，風雨縱橫誤舉觴。昨夜矇矓雲裏月，嫦娥似怕遇重陽。

D173

連宵風雨惱愁人，雲護青山貌失真。却訝溪痕添幾尺，十年今度看來新。（卜居西溪十年，溪流此次最大。）

D174 〈己丑小春和俞調卿〉

昨夜溪痕已沒灣，飄搖鴻雁不知還。黃雲壓水舟爭岸，紅豆挑燈客掩關。
縱有蛟螭翻白浪，豈無猿鶴守青山。鯁生況有憂時淚，綺夢風懷一例刪。（時秋雨成災，為數十年所無。）

D175

溪流靜對小橋灣，雲鳥無心去又還。野岸雙鳧眠雪浪，孤亭一鶴守松關。
嗷嗷鴻雁哀同澤，渺渺魚蝦盡出山。一片碇聲聽不得，尚餘詞興未全刪。

D176 〈丁丑春間，曾同許靜山兄共楫赴杭，己丑冬間，適同厲滬上，時君以參贊出使英法，將於庚寅上元節前啟行。元旦之辰，君來賀新，口占奉答，聊資一笑〉

兩度重洋洵壯遊（君先隨張公蔭桓出使美日），丈夫不負五洲求。從知大意聯中外，豈為東風問馬牛。

萬里雲情勞悵望，三年瓜計莫淹留。劇憐同泛杭州楫，回首於今十四秋。

D177 〈己丑歲闌，滬上數友有贈炭金者，賦此誌謝〉

話到窮途一笑先，丈夫今竟受人憐。投金事覺酬恩晚，指困情知結契堅。
愧我風前懷耿耿，勞君雪夜送戔戔。鯁生蹭蹬尋常事，却憶年時火色鳶。

D178

老矣何能及壯夫，過時草木豈人殊。情懷淡似三杯酒，意興疎於五綵鬚。
井底蛙能瞻色相，蘆中人許說虛無。年來一事堪惆悵，王粲登樓手欲扶。

D179 〈庚寅元旦燈下偶成〉

鴻雁飄搖感客程，相逢共訝鬢毛更。壯懷無藉壺空擊，往事休論劍欲鳴。
伏櫪從知悲駮駟，扣舷應悔識蠅蟲。而今領略乘除理，日月推遷問蟀鷓。

D180

幾度枝頭爛縵紅，不辭狼籍嫁東風。飄零茵溷天應妒，流落江湖地始通。
五夜鷄鳴懷耿耿，三更鶴唳醒痴聾。從知身世輕鷗寄，却笑涇涇印雪鴻。

D181

歲月徒勞轉結蜨，堤長柳暗沸蝸蟬。風前擲笛剛聞鴈，雨後看山更夕陽。
一路杜鵑啼壁壘，五更清露浣衣裳。歸雲停幻樓中夢，賸得魂消兩鬢蒼。

D182

又屆春城染綠蕪，年年依樣畫葫蘆。隔溪好鳥呼名語，入夢遙山著意模。
望裏盈盈衣帶水，懷中歷歷輞川圖。一堤煙柳無人問，又噪群飛白項烏。

D183 〈新正二日燈下〉

馬齒於今五十三，一腔情緒象吳蠶。春風桃李樽前錦，秋雨梧桐病裏菴。
落拓只看塵滾滾，龍鍾猶賸鬢毵毵。浮生滋味嘗將徧，此後應知學醉酣。

D184

佛座菩提手自拈，可真甘蔗老頭甜。病磨早覺花無趣，衰至常虞興欲殲。
漠漠生涯雲外夢，勞勞身世水中簾。年來踪跡知何似，著雨楊花到處粘。

D185 〈寒衣曲〉

約略身腰記短長，不須刀尺費評量。千絲織就回文錦，中有思君淚數行。

D186 〈初三晨枕上偶成〉

往事休論暗自傷，思君清淚欲霑裳。落花幾度隨流水，垂柳依然弄夕陽。
小別不禁方寸恨，淺顰端為那時嘗。要知無限窮通理，不過邯鄲夢一場。

D187 〈初四夜不寐，憶年時行役〉

幾樹垂楊噪暮鴉，一肩秋色亂山遮。戍樓悄聽溪聲咽，客舍寒鄰酒旆斜。
細數岸痕添綠髮，淡描雲影象烏紗。碧天雁陣依稀字，移上西沈五色霞。

D188 〈辛卯七月二十三日，偕馥蓀步游惠山，遇大雨，於河塘觀石龍噴瀑久之。

次日晨起，門外曉望，偶成一律以東梅菴〉

衡門清澈寂無譁，把帚循除掃落花。殘月當頭紅日露，曉雲如影碧山遮。
蟲聲唧唧吟秋早，駒夢怱怱過枕餘。回首石龍噴瀑處，香塋五里淨塵沙。

D189 〈桂秋朔日，大雨之後，門外溪流增長，疊前韻〉

猶喜蝸廬遠市譁，小庭不斷四時花。一溪新漲門前遶，半樹垂楊屋後遮。
身世浮鷗榮與辱，生涯寒雀見同賒。卻還夢裏吟蕉鹿，明淨心田水漾沙。

D190 〈即事仍用前韻〉

十年已久厭塵譁，如霧雙瞳懶看花。憔悴新聲詞數闕，零星舊夢會無遮。
扶筇官柳青猶在，淡薄村醪價肯賒。莫笑為炊患無米，燈前兒女競量沙。

D191 〈八月十一日，攜女雛至惠山試泉小閣，客有偕妓來者，歸途偶成〉¹¹³

¹¹³ 《亦云詞》所附詩之第三頁始於此首，文字與此全同，唯缺詩題。

傍山小閣二泉茶，過眼惛惛解語花。夢裏鞭絲曾控鶴，杯中弓影誤驚蛇。
泉聲入耳心先淨，山色迎眸日易斜。五里香塍歸去路，兒童爭栗笑相譁。

D192 〈次日又作〉

清游歸興儘堪誇，門外清溪淺映沙。窗靜自然生竹韻，月明無意剔燈花。
驚心不覺華年換，彈指難追別路賒。幾度欲尋鷗鷺迹，蓼花秋夢水之涯。

D193 〈秋宵〉

蛩吟四壁月中譁，絡緯聲來扁豆花。詞共陽春拈怨句（近和陽春詞〈鵲踏枝〉韻十四闋），
睡餘清夢剖秋瓜（予性嗜瓜，深秋尚喜食之）。

簾空涼怯森森竹，窗靜風憐薄薄紗。抹麗香中思往事，幾曾弓影誤成蛇。

D194 〈其二〉

蚊雷成陣賽蜂衙，竹影橫窗月意斜。一面風憐團扇障，半肩秋擬薄羅加。

葡萄酒呷嘗鷄口，茉莉香濃吐象牙（陶朗如¹¹⁴所製象牙花籠最精）。卻笑鐙前小兒女，了
又細手鬧爭瓜。

D195 〈八月十二夜對月，憶去年今日，與廖公養泉及嚴紫卿太守泛五里湖，同飯
於項王廟戲臺日也，偶成一律〉

去年今日五湖遊，白水青山渺渺舟。垂柳傍堤尋戰壘，斷碑披草憶高樓。（至南橋尋
高忠憲公水居可樓遺跡。）

廟無吠犬三家社，樹有鳴蟬一葉¹¹⁵秋。歸路最勞回首處，月明如水滿船頭。

D196 〈聞廖公白玉峰移寓吳門，率成數律奉懷〉

坡公春夢久成塵，近隔金閭一水鄰。縱有園亭供嘯傲，恐無賓客重相親。

願添香火如來偈，再結湖山未了因。莫訝而今狎鷗鷺，江湖都是宰官身。

D197

湖波浩渺試憑欄，倦眼登臨仔細看。南北犢山形勢壯，東西笠澤水天寬。

蒼茫弔古情無限，惆悵迎風意不歡。想亭孤亭號凝碧，中流湧出爛銀盤。

D198

對酒當歌解百憂，一年容易為花留。東籬秋色來鴻雁，西塞高風狎鷗鷺。

吳越包羅金石侶，襟懷浩蕩海天儔（大書「包孕吳越」四字、「橫雲」二字，鑄諸湖瀕石壁）。

¹¹⁴ 此據《亦云詞》，無錫本作「陶淵明」，蓋聯想而誤。

¹¹⁵ 《亦云詞》所附詩錄至此，「秋」字以下十五字全佚去。

祇憐客歲中秋飲，同席新凋是月洲（公性愛菊，將作歸裝，高月洲兄新於八月十一日以微疾作古）。

D199

且住為佳客異鄉，只今棠蔭有餘芳。依依子弟來函丈，戀戀民生孰主張。
聞說嚴君勤作畫，劇憐周季悼蒙莊。靈光魯殿巍然在，聯壁家家羨壽康。（紫卿太守近日作山水消遣，季貺太守書來，近賦悼亡。）

D200

蜀道青天路鬱盤，角聲吹夢五更闌。客中白髮憂時淚，籬畔黃花累吏肝。
老子操觚雄顧盼，先生行吏仗毫端。緣何蹤跡飄搖久，三月春光戀牡丹。（公愛花成癖，於牡丹猶垂青眼。）

D201

豐年可卜稻揚花，聚散無憑水流沙。鄴架都懸賢父筆，蒼黎猶望使君車。
逢人競問公來否，寄語關情客若耶。望歲勞心勞夢轂，幾時笠屐話桑麻。

D202

多病多愁且放懷，豐城劍氣尚沉埋。清霄定翥巢松鶴，涼雨還黏上壁蝸。
一笑本來無媚骨，三台難問有仙階。逸情試向僧寮¹¹⁶寄，庭菊應憐貌似鞋。

D203 〈客歲中秋，吳子備邑侯招陪廖公於小金山賞月，忽忽一年矣，偶憶陳迹，率成一律〉

去年今夕小金山，末座叨陪一席間。圓滿月中秋耿耿，縐紋波上碧潺潺。
湖干疎柳輕搖夢，樓畔孤僧獨掩關。此際劇憐增馬齒，輸他巖桂共躋攀。

D204 〈二十一日晨起門前閒望〉

草間涼露綴如珠，嘖嘖蜚聲出四隅。一角朝暎花弄影，半灣秋水鳥相呼。
霜林柿喜青袍換，荻港魚爭白練俘（每晨販魚者絡繹門前）。堪笑年來患無齒，街頭買醉負當壚。

D205 〈聞時艱〉

安得人人學怒蛙，不愁橫海浪生花。五羊碑識江中楫，萬馬舟疑海上楂。
風度亭皋聞雁笛，毒生溪壑射弓沙。憂時共有樽前淚，塵起何人舉扇遮。

¹¹⁶ 原本衍一「寮」字。

D206

世事滔滔夜未央，內訌外侮患方長。迹成入室非窺戶，勢等堅冰豈履霜。
當局難言牛馬走，潛踪何處犬鷄藏。秋燈倦眼頻搔首，如結誰寬九曲腸。

D207 〈余調卿¹¹⁷介令弟金門秣陵秋試，歸舟見訪，別後却寄〉

不見先生已十年，於今丰采勝從前。養生君得太和理，多病蒙慚百慮煎。
老去難求三日醉，愁來無定五更眠。翛然屏却塵凡障，猶許名場一笑牽。

D208

年時對客鈍無言，未了浮生夢一痕。佳客不留三日棹，良辰可惜四時樽。
清臞本是山中鶴，磅礴行為海上鯤。草草相逢還戀別，所懷難盡暗消魂。

D209

忘言相對慰平安，三十年來指一彈。初見贈君銅筆管，而今繞膝玉芝蘭。
窗間駒隙忽忙過，湖上煙痕仔細看。衰老自傷途日暮，晚霞相共曉星殘。

D210 〈偶成〉

五兩風輕不肯留，尚湖渺渺一歸舟。載將書卷凌霄氣，話出秦淮清夜游。
仙佛同龕投轄飲，芙蓉迎面滿城秋。蓬萊雲幻泥金色，午夜量沙忽唱籌。

二十一日作以上詩，終日心煩，次日晨起，細雨濕花，輕陰薄靄，仰視架上
牽牛數朵綴綠葉間，錄之本上，不識他年有人一覽否，心禪居士手記。

D211 〈次坡公韻〉

搔首頻年百不堪，幾時食蔗許回甘。病中愁聽雁來北，醉後夢思車指南。
疎雨淋鈴淒夜閣，斷雲遮塔憶晴嵐。疎疎一樹江潭柳，憔悴時今鬢已毵。

D212

貧賤江湖我所堪，但無疾病有餘甘。偶然命駕山之北，便欲從君江以南。
百雉城高環鏡水，雙驂夢冷疊煙嵐。樽前醉眼頻相認，得似河橋一樹毵。

D213

病不仙游百不堪，老無牙齒食無甘。時乘所患兄相左，花好來從我欲南。
午夜鷄鳴憐伏枕，夏雲馬首擁虛嵐。浮生棄置休輕訝，鏡裏頻看兩鬢毵。

D214 〈偶成〉

買醉曾停月下驂，醉中卻喜話江南。蕭蕭涼雨扁舟聽，渺渺斜陽一綫含。

¹¹⁷ 原本如此，唯 C28 及 D174 均作「俞調卿」，前者且出自余氏手書，故據改。

江上孤帆秋有託，燈前倦眼老何耽。思量別有消愁計，佯作無憂解味憨。

D215 〈穉女多壽〉

五齡小女索畫鼠¹¹⁸，磨墨案頭乞再三。分梨剝棗能與姊，解憂排悶當斯男。
夜燈鼈蹲傍山枕，早市雀躍提竹籃。偶然劔汝抱翁頸，綠窗以北簾東南。

D216 〈思泛舟〉

連天碧浪泛秋江，夢覺鄰舟客話哢。香稻垂珠迷曲岸，瘦桐落葉響疎廊。
迎鷗趣遠浮蹤獨，歸燕情深絮語雙。衰老自憐無好計，欲吹長笛不成腔。

D217 〈五更〉

坐聽高城畫角悲，嗚嗚況是五更吹。淒涼別調誰絲竹，惆悵新聲是別離。
便足銷魂楊柳月，不堪回首杏花時。浮雲世事憐彈指，何處山村覓酒旗。

D218 〈浮雲〉

世事浮雲一局棋，老狐不用聽冰疑。情多便是纏絲藕，知遠能為衛足葵。
拳拳自標鷄畔鶴，呦呦甘作鹿群麋。兒童拍手譁然笑，借得疲驢更倒騎。

D219 〈楚楚衣〉

衰病從知百事非，只憐歲歲減腰圍。堤邊垂柳迎春綠，門外夭桃對客緋。
無夢罔知生可樂，忘言直以死相祈。此情欲待同君話，笑著蜉蝣楚楚衣。

D220 〈蛛當戶〉

白鷗天地一塵無，卻笑勞勞網戶蛛。涼雨驚秋梧葉響，曉風吹夢竹枝扶。
將歸惜別巢辭燕，欲去還留屋止烏。稻蟹旋肥籬菊綻，鄉思不啻為蓴鱸。

D221 〈思飲〉

青山腰玉白雲齊，惆悵清游憶杖藜。可有花間鸚鵡夢，更無人處鷓鴣啼。
闌干倚待聯襟燕，場圃飛鳴斷尾鷄。烏帽黃塵日相逐，何如歸飲小橋西。

D222 〈水西流〉

垂柳疎疎水逝西，夕陽留待晚鴉棲。蝶魂栩栩空搖翅，鴻爪粼粼惜印泥。
小立東風疑化鶴，中宵春夢忽聞鷄。臨淵欲問魚之樂，手握通靈照水犀。

D223 〈登城望〉

晚晴山喜白雲開，一簇青峰到眼來。上下舟爭新漲水，古今人許共登臺。
茫茫倦視炊煙起，悄悄吟懷暮角哀。卅載淒涼憑弔處，於今往事已成灰。

¹¹⁸ 玫儀按：余一鼇好畫鼠，其詞集內封多見。

D224

山水知音識性真，繁華過眼迹成陳。乘槎指顧掀天浪，鑄鐵安排不壞身。
載酒許尋三月夢，揮金容買四時春。鶯花未必今無主，鼠膽還愁燕雀嗔。

D225

渺渺秋憐水一涯，雲歸夢散感年華。幾莖白髮羞明鏡，數拾青蚨贖畫叉。
霜落喜言新稻蟹，風前忽聚晚林鴉。去年今日登高處，客邸無花苦憶家。

D226

風沙撲面莽天涯，流水斜陽感鬢華。雲傍青天晴放鶴，煙生碧樹晚停鴉。
傾杯興鼓三更醉，側帽吟聯一笑譁。銀燭光中嗟倦眼，掩將詩卷聽悲笳。

D227 〈壁上蝸〉

沙平草細駕輕車，碧漢青霄雁字斜。搔首難忘中外事，顰眉慵看淺深花。
簷前鶻噪過疎雨，溪上鵝鳴正晚霞。衰病侵人無事可，小園蝸壁數粘蝸。

D228 〈午夢〉

香篆疎簾夢亦清，蹉跎身世竟何成。病憐鶴骨支離瘦，雲象蟬衣淺淡橫。
醫俗有方清一味，療病何策悟三生。槐根趣覺拳帷望，稚子來前笑語迎。

D229

水滿溪邊草更芳，沿堤垂柳復垂楊。小樓夢覺廉纖雨，曲徑花尋斷續香。
鏡裏波澄虹照彩，樽前酒暖玉生光。凌霄一架閒庭榭，倦眼看雲憶楚狂。

D230

露電光陰去已多，春秋能復幾經過。癡雲突兀象青兕，流水瀰洄浣白鵝。
老樹濃陰鳴啄木，瘦筇徐步指煙蘿。君看一歲榮枯候，造物無言理不訛。

D231 〈秋陰撥悶四律〉

秋雨浪浪響徹霄，晨興走險岸痕消。簷前積水盆魚樂，城上西風驛馬驕。
忽見旌旗明遠樹，側聞鼓角動危橋。滿城風雨重陽後，濕霧凝煙第幾朝。

D232

無定陰晴豈足憑，劇憐倦眼負秋燈。情如月榭光明燭，嬾過雲堂粥飯僧。
鷓退自輸喧晚雀，龍鍾人訝凍癡蠅。夏蟲滿眼應緘口，便若懸河孰語冰。

D233

山容掩抑舊痕青，漠漠雲連雉堞停。可惜良宵空念月，最憐秋水不涵星。
過門快屐喧街靜，到枕遙砧帶夢聽。遠望小橋光閃處，一燈渾似暗飛螢。

D234

不見群兒理釣筒，但聞鈴語馬蹄中。蕭蕭靜浣芙蓉粉，陣陣寒吹薜荔風。
高閣掩殘疎柳綠，閒階落盡海棠紅。鴛鴦菊放何人問，一簇秋光小苑東。

D235 〈寓惠麓三月矣，與隔溪垂柳，數枝依依，朝夕相對，茲將言旋，蝸廬賦三
絕句為別，時光緒壬辰七月丁未〉

寒食清明柳色齊，黃鸝占得一枝棲。靈和殿裏風光好，還憶當年小燕飛。

D236

曉風殘月可憐他，謝豹光陰似擲梭。遠夢柔情拋撇盡，銷魂最是夕陽多。

D237

挽住柔條話短長，橫塘風景太淒涼。芙蓉濯出秋江影，留取燕支晚節香。¹¹⁹

D238 〈偶成〉

靜聽一鳩鳴屋角，閒看雙髻浣溪紗。風吹楊柳悄然綠，流水無心漾落花。

D239

小艇鳴榔出矮橋，夕陽一角在芭蕉。相逢只覺忘言好，明月東來不用招。

D240

蝸角蠅頭一笑除，無多塵夢渺天涯。夕陽溪畔水清淺，閒看兒童去摸蝦。

D241

一絲香篆靜愔愔，把臂誰為捉鼻吟。燈下晚鐘聽不得，月明猶有搗衣砧。

D242 〈甲午六月十有四日，心禪晝臥竹榻，似夢非夢，偶得句云〉

巧隨明月照人我。

淡與輕鷗共性天。

D243 〈寄張蓉沚羊城〉

又見鶯花一笑來，倚樓聞笛更徘徊。夭桃紅逐流連夢，弱柳青窺宛轉才。
接葉小梅憐並蒂，傍闌新葯放重臺。勞勞亭外迢迢夢，芳草天涯劇可哀。

D244

渺渺天涯瑟瑟塵，鷺飛鷗泊可憐春。無憑遠夢懷芳樹，有限輕塵憶可人。
待得燕來堂認舊，送將春去景猶新。而今後約無憑據，柳綫迷離繫遠津。

¹¹⁹ 此首末有「香原作芳」四字，蓋為抄者所注。

D245

大好春光賦遠游，浮雲西北憶高樓。壯懷已化留春恨，遠志只憐攬鏡愁。
千里懷人思快閣，二分明月話揚州。鍾情無賴翻成別，燕語鶉啼一笑休。

D246

鎮日傷春醉復醒，飄零人去短長亭。游絲繫恨憐輕警，倦眼關情望杳冥。
燕剪掠波痕細細，鳩啼喚雨夢星星。五羊城畔勞儂憶，擷笛臨風草更青。

D247 〈偶成〉

門臨驛道傍溪斜，纔過鈴聲靜不譁。芳草夢銷魂一片，斷橋¹²⁰迹阻水三叉。
鶻音畧具山林趣，燕語微聞門巷差。却喜清晨添一□¹²¹，凌霄新放兩三花。

D248

過眼鶯花一笑存，喜聞芳躅欵柴門。隔年別緒從頭話，二月中春記爪痕。
此去南天應折柳，而今東望許銷魂。識君幾度逢君話，多病多愁□罷論。

D249

病足咨且不上船，蓬麻離思卻淒然。大文秩秩憑君記，小令聲聲賴子傳。
候雁已多身世感，黏蝸空習性靈禪。近來不食增惆悵，夢醒南華付逝川。

D250 〈滬上厲樓和韻（癸巳冬）〉

寂寂寒林莫怨遲，楚囚相對怕吟詩。要知識得窮通理，嶺上梅花放有時。

D251

傲骨崢嶸貴久持，不隨桃李任佗之。冰霜歷盡陽和轉，請看東風第一枝。

D252 〈疊韻〉

搔首年華怕已遲，闌珊春夢懶尋詩。小春節後真消息，數點梅花正及時。

D253

松柏亭亭各自持，桃花流水肯從之。憑君問取春來信，驢背先生插帽枝。

D254

秋去春來未覺遲，無聊無賴不成詩。聽鶯堤畔消魂處，柳認鵝黃一笑時。

D255

嫩綠嬌紅不忍持，飛花飛絮又從之。可憐燕子東風裏，猶賸斜陽一兩枝。

¹²⁰ 原作「楊」，右側加點，眉批云：「楊，疑橋字之誤。」茲從之。

¹²¹ 此處原空一字。下首同。

D256

心憶梅花覺放遲，詩中有畫畫中詩。雀喧爭啄猩紅豆，顆顆燕支欲綻時。

D257

月意橫來手不持，疎疎影裏認之之。不勞乞取金鈴護，冷艷清香自滿枝。

D258

幾度巡檐索笑遲，幾番磅礴解催詩。瓊瑤滿地天邊鏡，雪月交輝惜此時。

D259

驢背先生一笑持，葫蘆沾酒意先之。調羹手段君休問，大地山河萬萬枝。

D260

春去春回那許遲，不容不醉不題詩。玉龍鱗甲飛騰處，亂點虬枝絕妙時。

D261

點綴繁英品枝持，窺容明鏡兩同之。綠娥低傍燕支問，村北村南著幾枝。

D262

添綫光陰日喜遲，一窗晴旭好吟詩。不須惆悵生涯薄，柳暗花明一霎時。

D263

多病多愁強自持，不衫不履悵何之。銀盤金盞春來近，借取東風第一枝。

D264

愛此明窗旭日遲，枯腸搜索強成詩。昨朝曾向街頭見，肩負梅花已及時。

D265 〈題紈扇〉

記得江頭綠乍齊，五更樹樹有鶯啼。而今白露秋風裏，斜照吟蟬一葉秋。

D266

却看憔悴轉憐侬，桃李繁華一擲梭。回首舊游春似夢，短長亭外好風多。

D267

較量腰圍已久長，湖天風景漸荒涼。當年張緒分明認，青眼猶窺楚澤芳。

D268 〈此壬辰秋代梅菴題陶菊君（梁）紈扇句也，去冬菊君作古，扇亦不知何往，偶檢廢紙中，此詩猶存，錄之於左，愴惻久之，甲午小春二十七日心禪居士手記〉

青眼相窺隔水東，小樓倚徧九龍峰。三春桃李漂零久，猶共芙蓉一片紅。

D269

曉日瞳瞳眼界空，看山人在小溪東。烏啼空院無人到，空贖闌干幾曲紅。

D270

白石清溪好浣紗，風光憶起馬纓花。即今回首人如在，倩影分明似若耶。

以上是無錫本獨有之「心禪吟草」。又，上文提及《玉鑑堂藏書》982號《亦云詞》中另有一頁「心禪老人詩稿」，所錄乃A01至A06，唯文字稍異，茲將異文補述如下，以為本文之殿：

1. A01 〈山行聞杜鵑〉一首，題目作「同治壬申春，黃岡汪寶齋司馬招同赴台州之家子鎮，鎮地濱海，係同知駐防處」，較中科院本多「鎮」、「係」二字。
2. A04 〈題嵇丈月生札後〉一首，題為〈題嵇丈月生手札後〉。
3. A05 〈與友人談亂時事愴然賦此〉一首，「甯無濟世材」，「材」作「才」。
4. A06 「我亦傷弓鳥」一首，只錄至「脫扁因良」，下缺。其中「一年狼虎地」句，「一年」誤作「一言」。